



УЛААНБААТАР ХОТЫН
УС СУВГИЙН УДИРДАХ ГАЗАР ОНӨААТУГ
ДАРГЫН ТУШААЛ

2018 оны 05 сарын 11 өдөр


Дугаар A/133

Улаанбаатар хот

Журам батлах тухай

Төрийн болон орон нутгийн өмчийн тухай хуулийн 20 дугаар зүйлийн 20.1.10 дахь хэсэг, Ус сувгийн удирдах газрын дүрмийн 6 дугаар зүйлийн 6.13 дахь заалтыг үндэслэн ТУШААХ нь:

1. Нийтийн аж ахуйн салбар болон байгууллагын хөгжилд онцгой хувь нэмэр оруулсан, ажлын амжилт бүтээл гаргасан тэргүүний хүмүүсийг Байгууллагын "Хүндэт дэвтэр"-т нэрийг нь бичиж алдаршуулах, "Чандмань-Эрдэнэ" хүндэт медалиар шагнах журмыг хавсралтаар баталсугай.
2. Батлагдсан журмыг 2018 оны 06 дугаар сарын 01-ний өдрөөс эхлэн мөрдүүлэхийг Захиргаа удирдлагын хэлтэс /Д.Мөнхцэцэг/-т үүрэг болгосугай.
3. Энэхүү журам шинэчлэгдэн батлагдсантай холбоотойгоор Газрын даргын 2009 оны 10 дугаар сарын 01-ний өдрийн 196 дугаар тушаалыг хүчингүй болсонд тооцсугай.



Ус сувгийн үдирдах газрын даргын
20.18.. оны 05. дугаар сарын 11 -ны
өдрийн 11/13 дугаар тушаалын
хавсралт

**БАЙГУУЛЛАГЫН “ХҮНДЭТ ДЭВТЭР”-Т НЭРИЙГ НЬ БИЧИЖ АЛДАРШУУЛАХ,
“ЧАНДМАНЬ-ЭРДЭНЭ” ХҮНДЭТ МЕДАЛИАР ШАГНАХ ЖУРАМ**

Нэг. Нийтлэг үндэслэл

Байгууллагын эрхэм зорилтыг хэрэгжүүлэх, Нийтийн аж ахуйн салбарыг хөгжүүлэхэд онцгой хувь нэмэр оруулсан, ажлын амжилт, бүтээл гаргасан тэргүүний хүмүүсийг Байгууллагын “Хүндэт дэвтэр”-т нэрийг нь бичиж алдаршуулах, “Чандмань-Эрдэнэ” хүндэт медалиар /цаашид хүндэт медаль гэх/ шагнаж, ажиллагсдын ажлын бүтээлийг үнэлэх, байгууллагаараа бахархах сэтгэлгээг төлөвшүүлэхэд энэхүү журмын зорилго оршино.

Хоёр. “Чандмань-Эрдэнэ” хүндэт медалийн тодорхойлолт

2.1 Хүндэт медалийн гол хэсэгт байгууллагын нэрийг бичсэн усан цэнхэр өнгийн хүрээний дунд “Байгууллагын билэг тэмдэг”-ийг байршуулж, түүний гадна талын хэсэгт усыг дагаж амьдрал элбэг баян, мөнхөд оршихын бэлэгдлийг агуулсан эрдэнийн церкон чулууг шигтгэсэн.

2.2 Медалийн гадна хүрээний хэсэгт Монгол үндэсний дөрвөлжин хамар угалзыг байрлуулж, суурийг ус болон цэлмэг тэнгэрийг бэлэгдэн цэнхэр өнгөөр будаж, алтан нарны цацрагийг зургаан талд нь байрлуулсан нь чандмань эрдэнэ болсон усаар хэрэглэгчдийг тасралтгүй, найдвартай хангахыг бэлэгдсэн байна.

Гурав. Байгууллагын “Хүндэт дэвтэр”-т нэрийг бичиж алдаршуулан,
“Чандмань-Эрдэнэ” хүндэт медалиар шагнах үзүүлэлтүүд

Байгууллагын “Хүндэт дэвтэр”-т нэрийг бичиж алдаршуулан, Хүндэт медалиар дор дурьдсан шалгуур үзүүлэлтийг хангасан ажилтнуудыг шагнана. Үүнд:

3.1. Эрхэлсэн ажилдаа амжилт гарган, хамт олноо манлайлан үлгэр дууриал үзүүлж, тухайн ажил үйлчилгээг хэрэглэгч үйлчлүүлэгчдийн эрх ашигт нийцүүлэн чанартай гүйцэтгэн тус байгууллагад тасралтгүй 20-оос дээш жил ажиллаж, энэ хугацаанд хөдөлмөрийн аюулгүй ажиллагаа, техникийн осол зөрчил гаргалгүй ажиллаж байгаа ажилтнууд

3.2. Байгууллагын үйл ажиллагаа, үйлчилгээний цар хүрээ, нэр төрлийг нэмэгдүүлэн хөгжүүлж, үйлдвэрлэлийн тасралтгүй найдвартай үйл ажиллагааг ханган өндөр үр ашигтай ажиллуулсан, дэвшилтэт шинэ техник технологийг эзэмшин

нэвтрүүлж, техник тоног төхөөрөмжийг шинэчлэн сайжруулах, талаар төсөл боловсруулж хэрэгжүүлэхэд дорвитой хувь нэмрээ оруулсан, шинэ санаа санаачлагыг сэдэж, тооцоо судалгааг хийж үйлдвэрлэлд нэвтрүүлэн, мэдлэг чадвараа дайчлан ажилласан

3.3. Байгууллагын ажилтнуудын мэдлэг боловсрол, мэргэжлийн ур чадварыг дээшлүүлж, сургаж дадлагажуулахад бодитой хувь нэмэр оруулсан, онолын мэдлэгийг дээшлүүлэх, ажил үйлчилгээнд тодорхой үр дүн өгөхүйц нээлт, эдийн засгийн үр ашгийг дээшлүүлэхэд чухал ач холбогдолтой шинэ техник технологи, шилдэг тэргүүний арга ажиллагааны чиглэлээр эрдэм шинжилгээ судалгааны ажлын шинэ бүтээл, ном сурх бичиг гаргасан буюу гадаадын ижил төстэй үйл ажиллагаанд хэрэгжүүлж туршин үр ашигтай болохыг баталсан ажилтнууд

Дөрөв. "ЧАНДМАНЬ-ЭРДЭНЭ" хүндэт медалиар шагнах үзүүлэлтүүд

4.1. Тус байгууллагын үйл ажиллагааг байнгын тасралтгүй явуулах, ажил үйлчилгээнд тодорхой үр дүнгээ өгөхүйц асуудал дэвшүүлэн, санал санаачлага гарган хэрэгжүүлж, хувь нэмрээ оруулсан төрийн болон төрийн бус байгууллагын ажилтан, зүтгэлтэн, мэргэжлийн боловсон хүчин бэлтгэх, сургахад бодитой хувь нэмрээ оруулсан багш эрдэмтэд, ахмадууд, гадаадын иргэд

4.2. Байгалийн, гамшиг, үйлдвэрлэлд гарч болзошгүй аваарь ослоос урьдчилан сэргийлэх, таслан зогсоох арга хэмжээ авсан, тэдгээрийн үр дагаварыг арилгах, байгууллагын тулгамдсан асуудлыг шийдвэрлэхэд болон нэн төвөгтэй үүрэг, онцгой даалгаварыг амжилттай гүйцэтгэсэн ажилтан

4.3. Тус байгууллагад үр бүтээлтэй ажиллаж байгаад тэтгэвэрт гарсан 75 нас хүрсэн ахмад ажилтан

Тав. Шагналд тодорхойлох, олгох

5.1. Байгууллагын "Хүндэт дэвтэр"-т нэрийг нь бичиж алдаршуулан "Чандмань-Эрдэнэ" медалиар ажилтнаа шагнуулах санаачлагыг алба, хэлтэс, нэгж хэсгүүд нь гаргаж хамт олны хурлаар хэлэлцүүлэн, тухайн ажилтны тодорхойлолтыг Захиргаа удирдлагын хэлтэст ирүүлнэ.

5.2. Энэ журмын 4-ийн 1, 2-т заасан үзүүлэлтээр шагнагдах хүмүүст ажилласан жилийг харгалзахгүй байж болно.

5.3. Хүндэт медалиар шагнах санал, тодорхойлолт, холбогдох материалыг жил 1 удаа тухайн 11 сард хүлээн авна.

5.4. Шагнуулах хүмүүсийн талаар ирүүлсэн санал, тодорхойлолт, материалыг газрын зөвлөлөөр авч хэлэлцэн шийдвэрлэсний дагуу Газрын даргын тушаалаар олгоно.

5.5. Дээрх шагналыг жилд 5 хүртэлх хүнд олгох бөгөөд байгууллагын түүхт, тэгш жил /тав, таван жилээр/ тохиож байгаа жилүүдэд 20 хүртэлх хүнд олгоно.

5.6. Хүндэт медалийн загварыг шинэчлэх өөрчлөх асуудлыг Газрын даргын тушаалаар шийдвэрлэнэ.

5.7. Төрийн болон яам, тусгай газар, хот, бусад байгууллагын шагналаар шагнагдсан ажилтан тухайн жилд дээрх шагналуудыг давхардан авч болно.

Зургаа. Шагналыг дагалдах мөнгөн олговорын хэмжээ

6.1. Байгууллагын “Хүндэт дэвтэр”-т бичиж алдаршуулан “Чандмань-Эрдэнэ” медалиар шагнагдсан ажилтнуудад “Хүндэт медалийн үнэмлэх” олгох бөгөөд шагналын мөнгөн олговор 350000 төгрөг байна.

6.2. Зөвхөн “Чандмань-Эрдэнэ” хүндэт медалиар шагнагдсан хүмүүст хүндэт медалийн үнэмлэх олгох бөгөөд шагналын дагалдах мөнгөн олговор 200000 төгрөг байна.

6.3. Байгууллагын Хүндэт дэвтэрт өмнө нь бичигдсэн “Чандмань-Эрдэнэ” медалиар нөхөн шагнагдсан ажилтнууд болон, тус медалиар шагнагдсан гадаадын иргэнд “Хүндэт медалийн үнэмлэх” олгоно.

6.4. Цаашид медалийн дагалдах мөнгөн олговорын хэмжээг өөрчлөх тохиолдолд тухайн жилийн хамтын гэрээнд тусган хэрэгжүүлнэ.